

# 1 CORINTIOS

---

## Pablo Caatiniuhi Corintominaadi.

**1** Uujoho Pablo Jesucristo minisuminaafiti icahi, Moocaani onobadi, bu nahabo Sostene onobo icano <sup>2</sup> Moocaani iija Corintori iicajaminaadi caatinihi. Jaamo Cristo Jesufeenedi Moocaanita iicacuumo diibediro iicaqui ucuuhuvamo, bu paryi fahigova jinijevi Mohaivojiibo Jesucristo, bu diito Aivojiibo icaabo momoco mihiimaahicamo icano. <sup>3</sup> Jaamo imino sajeebiima mihica Moocaani Diosfañodi, bu Aivojiibo Jesucristofeenedi icano.

## Cristofeenedi Moocaani Imino Omoonino.

<sup>4</sup> Fahijivaro amiihahallivi Moocaanico imehicahi; Cristo Jesufeenedi Moocaani amiihaico imino omooninohallivi. <sup>5</sup> Miïro Cristofañodi mihicamaño Moocaani amiihaico aciuhi mojeebii gajadi fanoova busumijebadi fanohijico, bu fanoogaajaco icano. <sup>6</sup> Oono amiihaivi Cristoti jibogo miyaano icano imino agaajacafotobadi. <sup>7</sup> Jaamaño amiihaiditi jinehejeba cuujivaachutihi Moocaani aacinehejeonoti Mohaivojiibo Jesucristo asaajinoco motoomonohachuta. <sup>8</sup> Jaabo amiihaico imino teemejiibo niinofucuvi. Jaamo imino mihinivatimo mihicahi Mohaivojiibo Jesucristo agasejifucu. <sup>9</sup> Bañitatiibo Moocaani. Jaabo amiihaico cuuhuvahinihi Illi Jesucristo Mohaivojiibojaagodi miicaqui.

## Moocaani Iijaminaa Udugaacamaaiuno.

<sup>10</sup> Jaanegui jino amiihaico neehi; Tañahabomi, Mohaivojiibo Jesucristo momofeenedi, famooro sabadiro sayomonocoro mihiimaa, bu amiihaifeenevi dugaavocasineheje icadino. Jilli iminoro sahigoviro miminifoto sano eesamaajejaagoviro sabadiro miminifoto. <sup>11</sup> Tañahabomi, miïro amiihaiditi uco jibogomo Cloe onobo yoto, amiihaifeeneviva iibacasi iicanoco. <sup>12</sup> Toonoti jilli amiihaico neejirahi: Amiihaiva jilli meneehicahi: Saatohova uujoho Pabloobo, meneehicahi. Jaanotivaha bu saatoho uujoho Apoloobo, bu saatoho uujoho Pedroobo, bu jaanoti saatoho uujoho Cristoobo, meneehicahivaha. <sup>13</sup> ¿Nacu Cristo dugaacinihi? ¿Nacu uujoho Pablo amiihahallivi tetcucafutuuhi? ¿Nacu amiihai uujoho Pablo memeri minitacafutuuhi? <sup>14</sup> Miïro uujoho, amiihaiti miihaiñoobaco nitihinihi, ivi idiimisiicoro nitiuhi, Crispo onoboco, Gayo onoboco icanoro. Jaaneguiha toonohallivi uujoho Moocaanico imehi. <sup>15</sup> Jaamo miihaiñooba: Uujoho Pablo memeri niticafetehinihi, nootimo mihicahi, <sup>16</sup> bu tolliro nitiuhi Estefanoco iijaminaama. Jaanoti saatohobaco

gaajacuutihí tahi fine cajaanoyocohacho nitiuhi. <sup>17</sup>Miíro uco Cristo nitifiiri galluutihí, iimino jiiibogocoro jiiibeguequi uco galluubo. Jaaruno bu síhidi gaaja iijiri jiiibeguequi icatino jilli Cristo imoholliigavi iguijeveuno sicamañovi minifototino iicaqui.

### **Cristo Moocaani Mitya, Gaaja Icano.**

<sup>18</sup>Jaamaño miíro Cristo imohohallivi iguijeveuno jiiibogo jilli jihovonobadi jeevahi ciijigaifaño efeejímédi. Jaanoti ataaajímédi, jino miíhaidi, Moocaani mitya icahi. <sup>19</sup>Miíro Caatinihaamefaño noono:

Finisuji gaajaminaa gaajaco, bu tihisuji gaajacimínaa esicínico, noono.

<sup>20</sup>¿Nacu cuuca icaabo gaajamínaafi? ¿Cuuca icaabo jiiibogomínaafi? ¿Cuuca nacu icaabo jisumio jenaaumínaafi? Miíro Moocaani jeejavusucuhi jinijemínaa gaajaco. <sup>21</sup>Imooniqui jinijemínaa, Moocaani gaajafeenedi, Moocaanico gaajacihinitíhi. Jaabo Moocaani igaaajafeenedi díibedi imineguiíha taajasuubo miyaavogomínaaco iimino jiiibogofeenedi saatehedi tobogo jihovonobadi iicarunofañodi.

<sup>22</sup>Miíro judíomi dílluhicahi síhidi ejeevano gaajataco. Bu tollíro griegomí jiije gaajacoro guínehicahi. <sup>23</sup>Jaarunaaca miíhai mijiiibeguehicahi Cristo etetecuciniiboco. Jaanoco judíomi unucufeguemere tíimejetasuhicamo. Tollíro judíomi iicatímédi jilli jihovono. <sup>24</sup>Jaanoti naha ucuuhuvacínímédi, judíomítí, bu judíomi iicatímédi icano, Cristo Moocaani mitya iicaabo, bu Moocaani gaaja iicaabo icano. <sup>25</sup>Miíro Moocaani gaajati iicarunovaha miyamínaa gaajahallínocíví síhidi jeevahi, bu Moocaani níinova iicaruno miyamínaa sefa janaaníci síhidi jeevahi. <sup>26</sup>Eneecau magaaja, tañahabomí, Moocaani amíihaico ucuuhuvaumotí bu miídimo jijeogaajaminaaotou. Jaabadíro bu miídimo aivojima iicamootou miyaamo iyaachimíhaiototí. <sup>27</sup>Jaanoti naha Moocaani íciuhi jinijemínaadi mihiífomo ícamoco agaajafíimoco ínucufevesuquí, tollíro bu Moocaani jinijemínaadi íniínovafíimoco íciuhi esefafíimoco ínucufevesuquí, <sup>28</sup>tollíro bu íciubo jinijehallívi jihovono íicanoco, mihiífomo ícamoco icano jiijehallívi miyaamo ícamoco ínucufevesuquí. <sup>29</sup>Jillítí díibo ímefeeneví miíhaiñóoba: Uujoho aivo síhidi jeevahi, nootimo iicaquí. <sup>30</sup>Miíro Moocaani amíihaico Cristo Jesujaagoví miníiyuhí, tollíro bu mooníubo Cristo miíhai gaaja iicaaboco. Díibofañodí Moocaaníma sajeebíi miicaquí, mataajacuumoro díibedíro miicaquí. <sup>31</sup>Jaaneguí Caatinihaamefaño onobadi: Dífiico ídiímúuruubo; Aivojiiibocoro díimo.

### **Cristo Etetecuciniiboco Mijiiibogono.**

**2** Tañahabomí, miíro Moocaanítí jiiibeguequi amíihaijaago eeguejeusumí iimino íhiímaajínoma, bu gaaja íimaama ícano fuutihí. <sup>2</sup>Jillíro amíihaifeeneví jinejebaco gaajatiibobadi minífutuuhí ídíibocoro Jesucristoco jaani etetecuciniiboco gaajauhí. <sup>3</sup>Jaabo uujoho amíihaifeeneví níinovano ícauhí. ¿Míllí fine díitoco jiiibeguejí? nooboro síhidi iguííboro veveve. <sup>4</sup>Jaabadíro bu tahiímaa, tojiiibogo ícano miyamínaa gaajasurí ícatino. Jillíro Moocaani Gajjarí, mityarí ícano ífusuhíníhí. <sup>5</sup>Jillítí amíihai miyaavogo miyamínaa gaajafañodíro ícatino Moocaani mityafañodíro iicaquí.

### **Moocaani Gajafeenedi Magaajacino.**

<sup>6</sup>Jaarunofaño mihiímaahi gaajaco miyaavogofaño ujusicuumofeeneví. Jaaruno jijeo gajjarí ícatino, bu jídíhíjeo aivojító íímitímo gaaja goovano

ifinifineri icatino. <sup>7</sup>Jilli Moocaani gaajaco mihiimaahi agaaratino itihinoco tovonono iicano gaajaco. Jaanoco Moocaani siicijetiro ficucuhi miikai taajasuco. <sup>8</sup>Jaanoco cajaanoyaba saatohoti jije aivojito gaajaciutihi. Miiro igaajaciuruva tetecujitirumo niquejeo imi Aivojiiboco. <sup>9</sup>Jilliro jilli, Caatinihaamefaño onobadi:

Miyaminaa aatyimeutinehejeque, bu uguubutinehejeque,  
bu miyaminaa jeebiifaño ijicafetehinitinoco icano,  
Moocaani imibachucuhi diiboco agajimeguiiha, noonoro.

<sup>10</sup>Jaarunoco Moocaani mihaico gaajasuhi Igajafeenedi. Miiro Igajia paryi fanoocoro gaajahi, bu Moocaani jeebii faicuvahi iicarunoco.

<sup>11</sup>¿Nacu, cajaanoyaba sifi esamaajeque? Idiiboro igajia diibofaño iicaabo gaajahi. Jaabadiro buunaji miijoho gaajatihi Moocaani esamaajeque, idiiboro diibo Gajia gaajahi. <sup>12</sup>Jaabadi miikai magaayicihinitihini jinijeo gajaco, idiiboro Moocaaniti asaano Gajaco magaayicihinitihini, toonoti magaajaqui Moocaani mihaico iimihuseri aacihininoco. <sup>13</sup>Jaanehejeque miikai mihiimaahi Moocaani Gajia mihaico ijiibogobadi. Jaano miikai gaajariro magaanoco icatino. Jilli mijiiibeguehi Moocaani jiibogoco miyaavogominaaco.

<sup>14</sup>Jaanoti Moocaani Gajama achahaabo gaayicitihi Moocaani Gajjaonehejeque, diibedi jilli jihovonobadi icano, agaatimaño. Jaanoco Moocaani Gajjariro magajacitahi miyaano iicanoco. <sup>15</sup>Jaanoti naha Moocaani Gajama iicaabo paryi fanoovaaco agajaaboro dugaacuhi. Jaabo imitico, miijoho neejitirahi. <sup>16</sup>Miiro Caatinihaamefaño noono: ¿Nacu, miijoho gaajaciuhi Moocaani esamaajeque? ¿Nacu, Moocaanico miijoho conooco jiibeguejirahi? Jaanoti naha miikai Cristo esamaajema mihicahi.

### Moocaani Amusuminaa.

**3** Jaamaño tañahabomi, uujoho amiihaima Moocaani Gajama iicamoma mihicanicibadi iimaatihi, jilli Moocaani Gajama achahamoma mihicanicibadi iimaahi, Cristojaagodi seemehiica iicamoma mihicanicibadi iimaahi. <sup>2</sup>Amiihaico itihitincoro jiibeguehinini oono seemeneque machuco acitimoro mifañocoro ihiisunicibadi. Itihitincoro jiibeguehinini magaayicujitiruneguiiha, bu jisumihica magaayicitihiica icano. <sup>3</sup>Jilli amiihaihiica ticovomiyaminaarehiica. Miiro amiihaifeeneri icanehejehiica siinohalliti sitaaco mijiiheveneheje, iibacasineheje, dugaacamaajeneheje icano. Jilli ticovomiyaminaarehiica mihicahi. Jaamaño paryi miyaminaa omoonnicibadiro momoonihicahi. <sup>4</sup>Miiro saafi: Uujoho naha miyaano Pabloobo, meneehicahi. Jaanoti bu saafi: Uujoho naha Apoloobo, meneehicahi. Jilli meneehicamaño ticovomiyaminaarehiica mihicahi.

<sup>5</sup>¿Nacu miijoho Pablo? ¿Nacu miijoho Apolo? Jilli miikai Moocaani amusuminaa toonofenedi amiihai mimiyaaveguehinino. Jaano toonoco meheetavehi moticovohocivi mihaico Aivojiibo acidineheje. <sup>6</sup>Miiro uujoho basuui. Jaanoco Apolo maaisuui. Jaanoco Moocaani jusisui. <sup>7</sup>Jaamaño abasuubo sihidi ejevano icatino, bu amaaisuubo sihidi ejevano icatino. Jaanoti naha Moocaani fanooco omoonibo tohoco ujusisuubo. <sup>8</sup>Miiro jaamaño abasuubo, amaaisuubo icano sabadiro jeevahi. Jaarunaaca ijevadisahaje idudicamaajedino ijaadaco Moocaaniti gaayiciji. <sup>9</sup>Miiro miikai Moocaani nahaboniminaa. Jaanoti amiihai Moocaani

dudicamaaje faguibadi mihicahi. Jaanoti bu tolliro Moocaani iijaco eheetavojabadi mihicahi.

<sup>10</sup> Jaamaño Moocaani imihuseti uco acidino, uujoho aivo iijano eetavoco agaajaabobadi ihmahacinoco kuhufono basuhi. Jaanohallivi sita ifajaaco majaanijihachiji imino esicinimoro majaani. <sup>11</sup> Miïro siino sita ihmahaciti ficuucujitirahi ihmahaci Jesucristo icacuumãño. <sup>12</sup> Jaanoti diibo iicacuunohallivi saatoho orori, nihibajeneri, sihidi ijaadama icano guisiyineri icano iijaco eetavoobo. Jaanoti saatoho imohoneri, jaaineri, jiihuner i cano ajaanihachiji <sup>13</sup> eheetavodiibo dudicamaaje gaajacafeteji foovono, ufucu dugaacufucusumi; miïro cijigairi nisucafetejino. Jaadi gaajacafetejino naa cajaan miyaanoco eheetavuunoco. <sup>14</sup> Jaanoti cajaan dudicamaajehacho Moocaani nisufaño di afatyooobo ijaadaco gaayiciji. <sup>15</sup> Jaanoti cajaaninocohacho finisujino diibo dudicamaaje gañicafeteji. Jaarunofaño diiboro taajaji oono cijigai iijaco ijigasunoti atajanibadi.

<sup>16</sup> ¿Nacu magaatih i miïhai Moocaani iija mihicanoco? ¿Bu Moocaani Gaija amiihaifaño iicanoco? <sup>17</sup> Jaanoti bu cajaanihacho Moocaani iijaco ifinisuboco, bu Moocaani diiboco finisuji. Miïro amiihai Moocaani iija. Jaaja mihinivatija.

<sup>18</sup> Jaanegui cajaan amiihai ifiico jilli mabañisudino. Cajaanihacho amiihaifañoti: Jidihivi uujoho gaajaminaafi, monoobo gaajatiibobadi miminifoto. Jaabo miya gaajaminaafiti minifeteji. <sup>19</sup> Miïro jijeo gaaja Moocaanidi jilli jihovono. Miïro Caatinihaamefaño noocinino: Moocaani gañisuihi agaajamoco abañificamañovi, noonoro. <sup>20</sup> Tolliro bu noono: Aivojii bo gaajahi gaajaminaa esamaaje jilli sicamaño iicanoco, onono.

<sup>21</sup> Jaanegui miïhaiñooba miyaminaafi jiiibegueri amiihai ifiico mitya mitya momoonidino. Miïro paryi sabadiro amiihañeheje. <sup>22</sup> Miïro uujoho Pablo icaruubo, Apolo icaruubo, Pedro icaruubo icano amiihaico miïibeguequi fanoro Moocaani amiihaico aacino jiiñijehallivi mihicanohachuta, jisumi iicaneheje, bu ufucu iicajineheje icano paryi amiihaiguiiha. Tolliro guijevfeenedi Moocaanijaago mihifetejineguiiha icano. <sup>23</sup> Jaanoti amiihai Cristota, bu Cristo Moocaanitahe icano.

### Minisuminaa Dudicamaaje.

**4** Jaaneguiiha amiihai miïhaico Cristo jeevivominaati mehesicini, bu Moocaani jiiibegueji itihino jiiibogominaati icano. <sup>2</sup> Jaamo paryi diito toono tajiibama iicamo imino omoonifimoti mihica. <sup>3</sup> Jaanoti naha uudi milli icatino miyaminaa tahimiti unuuruno, bu miyaminaa aivoji icagavi tahimitico unuuruno icano, bu uuro tahimitico neejitirahi. <sup>4</sup> Jinejeti uujoho tahesamaaje imitino icatirahi. Jaaruno toonoti uujoho imitusucafototih. Jaanoti naha idiiboro Aivojii bo Moocaani uco tahimitico neejirahi. <sup>5</sup> Jaanegui amiihaico neehi: Imegaviro sifi imitico, meneedino Aivojii bo Jesu asaatinohachuta. Jaabo diibo jari foovoiicaruji, bu tolliro civoguiino toovono iicarunehejeque. Bu tolliro jaabo jiiibegueji bo miyaminaa jeebiino eesamaañehejeque. Jaadi naha jari iticovocivi Moocaaniti gaayicijimo diitoco acahacisunoco.

<sup>6</sup> Tañahabomi, jilli amiihaico neehi amiihai imiguiiha Apoloti, uuti icano, jaamo magajahi. Jaanoco misiti magaja. Jaamoro oono Caatinihaamefaño onono janaanivivi esamaaicuutimo mihicahi. Jaamo saafiiditi mitya mitya mihicamoro sifiico tihisutimo mihica. <sup>7</sup> ¿Nacu miïjoho ico miyaaboti ficuuihi? ¿Nacu cono iima chahahi agaayicitino?

Jaano bu agaayicicunoco, ¿collíhi sifiiti agaayicitiibobadi: Aivo uujoho mityahi, neehi?

<sup>8</sup>Miíro paryiicino toonoma mihicacuui. Miíro sihidi mubusumijevacuui. Miíhai aivo aivojitorucu, monoomoro miíhaico uufocovi miminiyuhi. Jaanova miyaano mahaivojiiivejirahi, miíhai amiihaima bu sano mahaivojiiivequi. <sup>9</sup>Miíro jilli tahesicini neehi: Moocaani miíhai minisuminaaco famooguinooviro ficuui iguijeniguucuumoco iicanicibadi. Miíro miíhaico miyaminaa iimogotimoro ajabafiinovi mihifutucuui, Moocaani toomominaa ihatyimequi, miyaminaa ihatyimequi icano. <sup>10</sup>Miíhaico naha jihovotobadi esiciniumo Cristohalliti. Jaanoti naha amiihaico Cristoti: Aivo gaajafiimo, neehicamo. Miíhai miniinovafihi. Jaanoti amiihai mequehecufihi. Amiihaico: Miyaamo, noomo. Jaanoti miíhaico jilli: Mihiifomo, noomo. <sup>11</sup>Jisumihachuta ajebanoco jaabicimoro mihicahi, adufirari mihicahi, gaachehuma machahahi, maganiicicafetehi, moojanoma machahahi, <sup>12</sup>miniinovatehichahi, muhuseneri mududicamaaimo. Miíhaico iminootino noomo. Jaarumoco imineeriro meneehi. Miíhaico idaasuno omooninehejeque majaabicihicahi. <sup>13</sup>Miíhaiti aivonoono neehicamo. Jaarumoco siicuno mihiimusuhicahi. Jiinije beevabadi miíhaico moonihicamo beemeubadi jisumihachuta mihicahi.

<sup>14</sup>Jino amiihaico nucufesuqui jilli caatinithi. Jilli amiihaico fajiiniqui agajjimo taseemeque icabadi. <sup>15</sup>Miíro diez mildimo amiihai jiiibogominaa Cristoti amiihaico iijiiibogomo icarunaaca, diito amiihai caanimibadi icatíhi. Miíro uuro amiihaico seemevahinihi Cristo Jesufaño di iimino jiiibogofeenedi. <sup>16</sup>Jaanegui amiihaico neehi: Uujoho jino iicabadiro mihica.

<sup>17</sup>Tooneguuiharo bu amiihajaago Timoteoco galluui taseemenebadi agajiiibo Aivojiiibofaño di imino iicaabo. Jaabo diibo amiihaico imino esaayuji Cristofaño di uujoho omooninoco, fahigova iicajahaje Moocaani iijanofaño jiiibogooboro efeehicabadi. <sup>18</sup>Saatohovaha amiihaiti mitya mitya icahicahi uujoho amiihajaago ufucuro ufuucujitiivibadi. <sup>19</sup>Jaanegui amiihajaago goovajino ofoono Aivojiiibo iimogohachijii. Jaadi jari gaajaji diito mitya mitya iicahicamo ihiimaarunoco, omoonitinoco icano. <sup>20</sup>Miíro Moocaani aivoji jilli ticovo iimaa icatino, mityaono. <sup>21</sup>Jaanegui ¿jinejeque mihimeguehi? ¿Amiihajaaga feeji imeima, nacu gajjima, siicu ifi gajjama?

### Ajevati Onoono.

**5** Miyaano amiihaifeeneviva ajeva icano guubuvusuhicahi. Jaano toono ajevaco ajashuno muguubusudino Moocaanico agaajatimofeenevi. Miíro saafivaha caanimi taabamima icahi. <sup>2</sup>Jaamo amiihai mitya mitya mihicahicahi. Jilli toonoti munucufevemere idaasuno mihicatanó. Tolli omooniboco amiihaifeenetí buhigovi magañi. <sup>3</sup>Miíro uujoho, tafi sihigo icarunaaca tajeebi amiihaifeeneri icahi. Jaamaño: Tolli iicaabo imitico, nuucuui amiihaifeeneri iicaabobadi. <sup>4</sup>Mohaivojiiibo Jesucristo momofaño di amiihai mihigaicinimoma sano tajeebi icahi, bu tolliro Mohaivojiiibo Jesucristo imityama amiihaima icaji icano. <sup>5</sup>Jaabo diibo iimitiiboco Satanasco mahaci ifi iimogonoco ifinisuqui omooniruubo, idaasuno iicaneguiiha dojicuviro Moocaanijaago asaaboro ufucu Mohaivojiiibo Jesu asaajifucu iicasumi ijeebi itaajaqui.

<sup>6</sup>Aivo imitino toono momooninoti mitya mitya mihicano. ¿Nacu magaatatihi ajashuruno levaduraguiji paryi ifaasihifaño

acaísecafetefinoco. <sup>7</sup> Jaanegui toono eedeelevaduraguiijico magañiinicibadi toonoco amiíhafeeneti magañii. Jaamo boosihi toguiijima achahasiihibadi mihicahi, toono amiíhai mihicabadi. Miíro siicijeminaa oveja seemeneque gaicaaujibuumo Pascua jiiibaimo iicajisumi. Jaanoti jisumi Cristo Jesuco guijenümo safooro miíhai imitihallivi. <sup>8</sup> Jaanegui masii Pascua jiiibaimoco meheetavequi tohimitico magañiimoro, oono eedeelevaduraguiiji iimitiguiijico mihicanicibadi. Jaamoro ivi toguiijima achahano maahunerio meheetavequi abañitino jeebiiri, miyaaneri icano.

<sup>9</sup> Miíro amiíhaico juufaiji acaatinuahaamefañodi nuucuuihi: Aajevafiimoma magataavedino, nooboro. <sup>10</sup> Jaaruno tolli onoo bo paryi jiiinijehalliri iicamo aajevafiimoti, ifiguiiharo fanoovaaco imeguefimoti, bu ananivafimoti, oono bu tolliro ijinitaco ejeecevefimoti icano nootihí. Miíro tolli diitoma iimaatimo mihicaruva toojiiinjeti siijiinjjevi mefeeljirahi. <sup>11</sup> Jaanoti cajaanihacho: Miyaavogominaafi uujoho, unuruubo ajevaco imoyiicibiho, ifiguiiharo fanoovaaco imeguififiibo, ijinitaco ejeecevefifiibo, sicamañoco ijiibocasififiibo, bu iguriicavefifiibo, bu ananigaififiibo icano, icaaboma magataavedino eneejirunoco, jilli neehi. Tolli iicaaboma ajashuno safooba mamachudino. <sup>12-13</sup> ¿Milliti bu uujoho imiyaavogotimo: Iimitico, neejirahi? Idiiboro Moocaani diito: Imitico, neeji. Jaanoti naha amiíhai miyaavogominaa mihicacuumo: Imitico, meneeljirahi. Jaaneguiiha diibo iimitiiboco amiíhafeeneti buhi magañii.

### Dugaacuminaa Imefeenevi Dinahaboco Satyedino.

**6** Amiíhaiti saatoho amiíhai nahaboma imitino mihicasumi toonoco mihimibachuqui miyaavogominaajaagovi footimoro, ¿collíhi miyaavogominaa iicatimo dugaacuminaajaagovi mofoonicihi? <sup>2</sup> ¿Nacu amiíhai magaajatíhi miyaavogominaa jiiinijeminaaco udugaacujinoco? Jaano bu jiiinije amiíhairi udugaacufetejino icanaaca, ¿collíhi toono sihidi ejeevatinoco amiíhafeeneviro mihimibachutihi? <sup>3</sup> ¿Nacu magaajatíhi Moocaani toomominaaco miíhai mudugaacujinoco? Jaano bu icanaaca? ¿Milliti jijeonoco dugaacutimo mihicajirahi? <sup>4</sup> Jaamo bu amiíhai jijeonehejehalliti mihiiibacasinoma mihicamo bu, ¿collíhi jaamo miyaavogominaa iicatimojaagovi tonehejeque mihimibachuqui mefeehicahi? <sup>5</sup> Jino amiíhaico nucufevesuqui neehi: ¿Nacu amiíhafeenevi gaajaminaafi saafiiba chahahi inahabomifeenevi udugaacujiruubo? <sup>6</sup> Jaano icanaaca, ¿collíhi masatyehicahi amiíhai nahabomíco miyaavogominaa iicatimo dugaacuminaa imefeenevi?

<sup>7</sup> Amiíhafeenevi iibacasima mihicamaño aivo imitino mihicacuuihi. ¿Collíhi jilli tolli icarunoco majaabicítíhi? Jaafa jilli amiíhaico nanimo.

<sup>8</sup> Jaarunaa amiíhai sahigotiro imitino momoonihicahi, mananihichahi amiíhai nahabomícoro.

<sup>9</sup> ¿Nacu amiíhai magaajatíhi iimifiitimo Moocaani aivojico agaayicjítinoco? Amiíhai ifiico mabañisudino, ajevaminaa, jihovo caanimico ejeecevefimo, sifigoma iicafifimo, bu sano gaifiimimaryo iicafimo, <sup>10</sup> ananivafifimo, fanoovaaco iiguiiharo iimoyiicififimo, bu iguriicavefifimo, bu sitaaco imitino eneeffimo, bu sitaaco imitino omoonififimo icano Moocaani aivojifaño feejitíhi. <sup>11</sup> Jilli icauno amiíhaiti iticoni saatoho. Jaarumo jisumi imibachucafutucuhi, Moocaanidiro iicacuqui diiboma sajeebii icacuumo Aivojiiho Jesu momofeenedi, bu Moocaani Gaijafeneedi icano.

### Mofico Moocaanidiro Mificuno.

<sup>12</sup>Paryi fanoovaaco uujoho moonijirahi. Jaarunaa paryi fanoovaro tamiyaavogoco uco amusutino. Uujoho paryi fanoovaaco moonijirahi. Jaarunoti conooba uco guinonijitihi. <sup>13</sup>Miyaanoco noonicimo: Machuta miino jeebiiguiiha, mojeebii machutaguiiha icano. Jaarunohocico sabadiro Moocaani finisuji. Jaanoti mofi ajevaguiiha icatiji Aivojiiibo Cristoguiiharo icano. Jaabadiro bu diibo mofiguiiha iicaabo. <sup>14</sup>Jaabo Moocaani Cristoco siino ubuheetesubadiro bu mihaico imityari tolliro buheetesujiibo.

<sup>15</sup>¿Nacu amiihai magaajatihi amiihai ifiino Cristo ifiioneheje iicanoco? ¿Nacu Cristo ifiiti iciiboro ajevaminaago ifiivi ficuji? Cha, tolli icatino.

<sup>16</sup>¿Nacu bu amiihai magaajatihi ajevaminaagoma iicicasiibo diigoma saafi ifibadiro iminifetefinoco? Jaano toono imiti ifi. Miiro Caatinihaame neehi: Famisiciro sahucurucuji, noonoro. <sup>17</sup>Jaabadiro Aivojiiibojaa iminifotoobo sagajjarucuji diiboma.

<sup>18</sup>Jaanegui ajevati magaa. Paryi oono cohimitihacho iicanoco miyaminaafi moonifihi mofifañodi iicatinoco. Jaanoti ajevaco omooniiibo ificoro imitino moonihi. <sup>19</sup>¿Nacu magaajatihi amiihai ifiino Moocaani Gaija iijano iicanoco? Jaabo amiihaifaño iicaabo, Moocaani amiihaico aaciibo. Jaamo amiihai, amiihai ifi abajatoro mihicatihi. <sup>20</sup>Miiro amiihaico ajashutino jaadari Cristo gujeveri Moocaani jaaducuhi. Jaanegui Moocaanico amiihai ifiiri macahacisu.<sup>4</sup>

### Taabavaditi Onoono.

**7** Jaanoti oono uco aamefaño meneehininediti amiihaico neehi: Aivo imijiruno gaifi gaigooco dudiicitiiibo iicano. <sup>2</sup>Jaarunofaño ajevahaño iicamaño amiihai ticovohocivi amiihai taabamima mihica. Jaabadiro bu gaigoomi amiihai ticovohocivi amiihai tajemima mihica. <sup>3</sup>Amiihai tajemii amiihaico iimugusumi imino: Jii, monoo. Jaabadiro bu amiihai taabami amiihaico iimugusumi imino: Jii, monoo. <sup>4</sup>Miiro mogai ifi abajagoro icatiji, idiiboro aiji abajaabo. Jaabadiro bu aiji ifi abajaaboro icatiji, idiigoro mogai abajago. <sup>5</sup>Jaanegui: Chahano, meneedino mihimogocasisumi ivi idisumiro famisiciro sabadiro mihiimaacasimisiro: Jilli ticovono miicaqui Moocaanima mihiimaanohachuta, munuusumi ivi ticovono mihicaji. Jaanobunati siino dojicuviro mihicacasi iji Satanas onoobo amiihaico abañineri sitama imitico momoonidino.

<sup>6</sup>Jilli, jilli amiihaico uujoho neehi, tajiiba icatino. <sup>7</sup>Aivo imeguejirahi famooro gaifimi jino uujoho iicabadi iicanoco. Jaarunofaño iticovoocivi Moocaani aacinibadi icamo. Saatohoco siibadi, bu saatohoco siibadi icano.

<sup>8</sup>Jaanegui neehi: Ataabavatimehejeque, fibaijigomiihaico icano imicanijiru aivo jino uujoho uuro iicabadiro mihicano. <sup>9</sup>Jaanoti saatoho ticovono mihicajitiruumo siino matajeva. Jilli imicanijiru siino atajevacuuno mihicano, majaabicijitiruneridaasuno mihicatiqui.

<sup>10</sup>Jaanoti bu mogaimima iicacuumoco tajiibahi. Jaaruno uujoho icatino Aivojiiibo tajiibahi, mogai aijico jeevesutigo iicaqui. <sup>11</sup>Jaanoti

---

**a 6.20** Sahaamefaño janaanici jilli ficuumo: Moocaanico amiihai ifiiri, amiihai gajjari icano macahacisu. Jaano toonoci fanoociro Moocaaninohoci, onoonoco.

mejeevesuhachijji siino<sup>b</sup> tajevacuutino mihica. Jaanoti jilliro siino ditajema dojicuviro dimijjiivo. Jaabadiro aijjimi mogaimico mejeevesudino.

<sup>12</sup> Jaanoti bu jino uujoho onoono, Aivojiiibo onoono icatino:

Miyaavogominaati saafi taaba miyaavogominaago icatirugo diiboma imino icagogoco mejeevesudino. <sup>13</sup> Jaabadiro bu saafigo miyaavogominaago taje miyaavogominaafi icatiruubo diigoma imino icagohachijji mejeevesudino.

<sup>14</sup> Miiro aiji imiyaavogotiruubo mogaifañodi Moocaanidi imicuibobadi icahi. Jaabadiro bu imiyaavogotigo gaigo aijifañodi Moocaanidi imicugobadi icahi. Jaanoti tolli mihicaova amiihai seeme imifjiritrahi imiyaavogotimo seembadi icajirahi. Jaanoti saafi imiyaavogomaño toseeheje Moocaanidiro icacuuhi. <sup>15</sup> Jaanoti oono imiyaaveguehaticimo ejeevesugohachijji, jaafa jeevesumo. Jilliti tolli iicaabo ejeevesugo, bu tolli icago ejeevesuubo icano sajeebii icacuuhi. Miiro Moocaani miiahaico sajeebii guiiharo cuuhuvauhi. <sup>16</sup> ¿Nacu fine ijoho gaigo ditajeque miyaavugusujirahi itaajaqui? Jaabadiro bu, ¿ijoho gaifi diitaabaco fine miyaavugusujirahi itaajaqui?

<sup>17</sup> Oono amiihai ticovohocivi amiihaico Aivojiiibo aaciuno icabadi, bu Moocaani amiihaico ucuuhuvausumi mihicaubadiro icano mihica. Jilli tajiibahi paryiicino Moocaani iijanofaño. <sup>18</sup> Saatoho mucuuhuvacafutuuhi amiihai meehe quiticinimo mihicamo, tobadiro quiticinimo mihica. Jaabadiro bu saatoho quiticiratimo mihicamo mucuuhuvacafutuuhi tobadiro quiticiratimo mihica. <sup>19</sup> Miquiticinino sihidi jeevatihii. Jaabadiro bu miquiticiratino sihidi jeevatihii. Iidiiinoro Moocaani tajiibaco meheetavano naha sihidi jeevahi. <sup>20</sup> Jaanegui famoovaro mucuuhuvacafutusumi mihicaubadiro mihica. <sup>21</sup> ¿Sifi jijovono diicaabo cuuhuvacafutuuhi? Jaarunoco deescinidino. Jaanoti bu toonoti ataajajino iicahachijji, tolli mooni. <sup>22</sup> Miiro sifi jijovono iicauboco ucuuhuvaubo jisumi Aivojiiibo ataajasucuborucu. Jaabo jilli sajeebii diiboco jeevivucuji. Jaabadiro bu sajeebii iicauboco ucuuhuvaubo jisumi Cristo jijovonurucu. <sup>23</sup> Miiro ajashutino jaadari Cristo gujeveri majaaducafutuuhi. Jaanegui miyaminaa jijovototi amiihai ifico meheetavedino. <sup>24</sup> Jaanegui tañahabomi, oono amiihai mucuuhuvacafutusumi mihicaubadiro, bu jisumi Moocaanima mihica.

<sup>25</sup> Jaanoti ivi bagocajamihallivi Aivojiiibo tajiibama chahahi. Jaarunaa jino eescininoco neehi, uco Aivojiiibo idasugonofeenedi imihuseebe iicamaño, jilli amiihaico neehi: <sup>26</sup> Uudi imino gaifi oono icabadiro icano jisumihije jino idasuno mihicaneheje iicamaño. <sup>27</sup> Gaigooma idiicacuubo, diigoti dugaavedino. Gaigooma achahaabo, ataabavanoco diimeguedino. <sup>28</sup> Jaaruubo bu ataabavahachijji, imitico diicijitihii. Jaabadiro bu bagocaja atajevago imitico icitihii. Jaarumo idasuno icaji. Jaanoco jeedi uujoho amiihaiti buhigovi miniiyujirahi.

<sup>29</sup> Tañahabomi, jilli uujoho eneejiruno: Jijehallivi gueenene mihicajitihii. Jaanegui amiihai taabamima mihicamo mataabavatimobadi mihica.

<sup>30</sup> Jaanoti bu mataamo mataatimobadi mihica, bu imono mihicamo imono mihicatimobadi mihica. Jaanoti bu manaajeme siinoma mihicatimobadi mihica. <sup>31</sup> Jaanoti bu jijeonehejeque anaajeme tooneri mutuvavotimobadi mihica. Miiro jijeoneheje jilli ihifuvusuro icaruno finifihi.

**b 7.20:** Sahaamefaño janaanici jilli ficuumo: Moocaanico amiihai ifiiri, amiihai gaijari icano macahacisu. Jaano toonoci fanoociro Moocaaninohoci, onoonoco.



<sup>32</sup> Uujoho imogotíhi sineheje esamaajeri mihicanoco. Ataabavatiibo Aivojiiho Cristo nehejeque imino teemehi, Aivojiihoco imo imo imooniqui.

<sup>33</sup> Jaanoti ataabavacuubo jiiñjeonehejejaagoviro icahi mogaico imo imo imooniqui. <sup>34</sup> Jaabadiro bu atajevacuugoti atajevatimo siibadiro diitoti icahi. Atajevatigo Aivojiiho nehejeque imino mooníhi; ijeebii, ifi icano imino Moocaanidiro iicaqui. Jaanoti bu atajevacuugo jiiñjeonocoro imino moonífihi aijico imo imo imooniqui.

<sup>35</sup> Jaanoco jillí neehi amiihaidi iimiqui, amiihai imega jegaiteereque ficuquui icatino, jillí iminoro miicaqui neehi. Jaamo Aivojiihoco miyaano fanoovari jeecivomoro mihicahi.

<sup>36</sup> Ivi jaanoti saatehedi ille bagocaja ujusicugo, taje vatigo iicano imitihachíji, matajeni. Matajenino imiti icatino. <sup>37</sup> Jaanoti ijeebiifañodi quehecuno eesciniibo: Jinejeti ucuujivaachutiibo ifi, onoobadiro iicaabo ijeebiifañodi ille bagocajaco imino ificugoobo aivo imino mooníhi.

<sup>38</sup> Jaanoti bu atajeniibo imino mooníhi. Jaanoti bu atajenitiibo aivo sihimi mooníhi.

<sup>39</sup> Gaigo atajevacuugo tajiibari aijimario icaji diibo iicanohachuta. Jaanoti aiji iguijevehachíji, toonoti taajacuugo. Jaadi iimogooboco taje vajirugo ivi miyaavogominaafi iicaabocoro. <sup>40</sup> Jaanoti ivi uudi, aivo imijiruno iinoro iicano. Miíro uujoho tafiico esicinihi, tolliro bu fine Moocaani Gajjama iicanoco.

### Jihovocaanimico Ejeecivono.

(Rm 12.1-23)

**8** Jaanoti ivi jisumi jihovo caanimico ejeecivehicanoti amiihaico neehi: Miyaano famoovaro aivo toonoco magajacuui. Jaaruno togaaja miíhaico mofiicoro mitya mitya momooninoviro jusisuihi. Jaanoti naha saatohoco magajimo diito miyaavogoco mujusisuihi. <sup>2</sup> Jaanoti bu saatoho: Uujoho aivo gaajahi, unuurumo miya gaajaquehiica gaajatimo. <sup>3</sup> Jaanoti saatoho Moocaanico agajiihoco, bu Moocaani diiboco gaayicíhi.

<sup>4</sup> Jaabadi ijinitaco machutari ejeecivucuunoco mamachunoti neehi: Miyaano ijinita jiiñjehallivi síhidi jeevatíhi ivi idiiboro saafiro Moocaani.

<sup>5</sup> Jaaruna niquejefaño, bu jiiñjehallivi icano bu síhidi jaatyó diosmi onoomo icahi, tolli eneehicamedí icamo síhidi díosmi onoomo, bu síhidi aivojito onoomo icano. <sup>6</sup> Jaanoti naha miíhaidi icaabo saafiro Dios Moocaani. Jaabo Moocaani paryi fanoovaaco eetavuuhi. Jaabeguiiha miíhai mihicahi. Tolliro bu icaabo saafiro Aivojiiho, Jesucristo, diibo feenedi paryi fanoova icahi, bu miíhai mihicahi icano.

<sup>7</sup> Jaaruno jinooco paryi famoovaro gaajatihi. Jaanoti saatoho ijinitaco ejeecivejibuumaño, ijinitaco ejeecivucuunoco amachusumi, íhesamaaje iniinovamaño, toonoti ijeebiico mimihiniñbadi esiciniimo. <sup>8</sup> Miíro mamachunoti Moocaani miínoco gaayicitihi. Miíro mamachunoti mojeebii imitejitíhi, bu mihiniivatejitíhi icano. <sup>9</sup> Jaarunoco mehesicini, amiihai siibadi esiciniitimo mamachunofañodi, sífi imiyaavogo iniinovaaboco imitifaño magaíisudino. <sup>10</sup> Eneecau bu amiihaico neequi: Íjoho tonehejeque agaajacuubo ijinitaco ejeecivehicamañovi acasiivooboro amachuuboco, saafi miyaavogominaafi miyaadi imiyaavogo equehecutiibo aatyimeebere, bu machujiruubo ijinitaco ejeecivucuunoco. <sup>11</sup> Jaamaño jilliti íjoho agaajacuubo saafi dinahabo imiyaavogo equehecutiiboco mitasujirahi diibohallivi, bu tolliro Cristo iguijevecuuboco. <sup>12</sup> Jaamaño

jilliti amiíhai nahabomi miyaavogo iniinovamo jeebiico mimitasumaño amiíhairyo Cristoco imitino momoonihicahi. <sup>13</sup> Jaaneguiiha uduunofañodi tañahaboco imitifaño igañisujiruva uujoho ufucuro asimico duujitíhi.

### Minisuminaafi Dudicamaaje.

(Gal 1.11-2.10)

**9** Miíro uujoho sifi jįjovono icatíhi, uujoho minisuminaafi. Uujoho Aivojįiíbo Jesuco atyimehinicuuihi. Jaamo amiíhai Aivojįiíbedi ududicamaaifañoti mihicamo. <sup>2</sup> Saatehedi uujoho minisuminaafi icatíhi. Jaanoti naha amiíhaidi uujoho minisuminaafi. Amiíhai Aivojįiíboco magaayicimaño uujoho miyaano minisuminaafi iicanoco magaaasuhi.

<sup>3</sup> Jilli uujoho neehi imitino uuditi eneehicamoco: <sup>4</sup> Miíro famoovadiro imino. Jaanoco misi paryi magaayicíhi machuqui aacinoco, aduqui aacinoco icano. <sup>5</sup> Tolliro bu imuguruva imijiruno miyaavogominaagoco atabavano uuma ihiguequi. Tolliro bu Bernabe ihiciruva diiboma ihiguequi, oono saatohe minisuminaa iicabadi, oono bu Aivojįiíbo Jesu nahabomi iicabadi, bu oono Pedro iicabadi icano. <sup>6</sup> Jaanegui fine amiíhai mehesicinihi idiimisiro misi Bernabe, uujoho icano dudicamaajeque jeevesutimisiro, bu jįibegueriro mihicanoco. <sup>7</sup> ¿Nacu cajaaní amocasiminaafiti iicaabo iinoro inehijeque naajenicíhi? Jaabadiro bu, ¿cajaaní nacu baacuco abasuubo inoovati guenetįiíbo icanicíhi? Jaabadiro bu, ¿cajaaní nacu ihovejamico imifañoco amaamiíbo toonoti adutiíbo icanicíhi? <sup>8</sup> Jilli ononoco miyaminaaro onono noomoro mehesiciniidino. Miíro bu tajiíbafaño tolliro noono. <sup>9</sup> Moise tajiíbahaame jilli neehi: Buey itrighallidi iįgoneri jehetiíbo. Jaabo iįjico siyaacudino. Jaafa machuubo ududicamaaifañoti, noonoro. Jaaruno jilli bueymicoro agaiįjumaño nuutiíbo. <sup>10</sup> Miíhaiditi unuunoco jilli nuubo. Miíhai imiguiiha totajiíbaco eetavuubo. Miíro jįinįjeque acaajaabo, bu itoogaiñoco ejehetiíbo icano ufucuro inoovataco iicįjınococo esiciniíboro moonifíhi. <sup>11</sup> Jaaneguiiha amiíhaifeenevi Moocaani dudicamaajeque meheetavomo. ¿Miíli bu jaamo busumijeque gaayicitimo mihicajirahi? <sup>12</sup> Buhicaga sita icarumo amiíhaiti įjadaco gaayicíhichahi. Jaanegui imi miíhai.

Jaarumo miíhai toonoco midillutíhi. Jįlliro paryi jaabicimoro mihicahicahi Cristo iįji jįibogoco jeevesutimo miicaqui. <sup>13</sup> Miíro amiíhairyo magaajahi temploja jeecevominaa tooja jeecivo sefari iicafinoco. Jilli eneejirunoco jilli neehi: Tooja jeecivo asimico agaicaaumoro ejeeceivefimo toonoti duufíhi. <sup>14</sup> Jaabadiro bu Aivojįiíbo nuuhi: Cristo jįibogoco jįiibogomo Moocaanico ajaaduno sefari iicaqui. <sup>15</sup> Jaarunoco uujoho safooba dillutíhi, bu jilli nooboro caatinitíhi uco siinoti mahaciqui. Imeguehi aivo miíhaiñoooba uuti: Miíhaico dilluhicaabo, nootimaacaro iguijeveneque.

<sup>16</sup> Uujoho Cristo jįibogoco jįiibogonoti tafiico sihidi mityano esicinitíhi. Miíro toono dudicamaajeque Moocaani uco tajiíbauhi. Jaamaño idasucanįjiru uudi toonoco jįibogotiíbo icaruva. <sup>17</sup> Jaamaño jilli uuro iimogooboro toonoco mooniruva įjadaco gaayicįjirahi. Jaanoti tajiíbari omoonimaño jino toono tadyudicamaaje Moocaani uco atajiíbauno.

<sup>18</sup> ¿Cono nacu įjadaco uujoho agaayicino? Įjaada uudi Cristo jįibogoco jįiibogono sitaaco toono jaada busumijeque dillutiíbo iicano.

<sup>19</sup> Miíro uujoho sifi jįjovono icatįruubo famooįjįjovonoti minifetehi Cristodi sihidi miyaminaaco iciqui. <sup>20</sup> Judiomiifaño iicasumi judiomibadi

minifetefihi diitoco Cristodi iciqui. Oono judiomi Moise tajiiba onobadi iicamo iicabadi icafihi, diitoco iciqui; miyaano totajiibaguino icatiruubo. <sup>21</sup> Jaabadiro bu Moise tajiibaguino icatimofaño iicasumi diitobadiro minifetefihi miyaano Moocaani tajiibaguino icaruubo, Cristo tajiibaguinodi iicamaño. <sup>22</sup> Jaanoti bu iimiyaavogo iniinovomofaño iicasumi diitobadi minifetefihi diitoco Cristodi iciqui. Jilli ono famoova iicabadiro minifetehicahi tolliti diitoti saatohobaco taajasuqui. <sup>23</sup> Paryi jilli moonihicahi taajasujiibogoguiha, tobogo iminoco isivanofañodi icaqui.

<sup>24</sup> Amiihairyo magaajacuhi jinafatyofaño iicamo paryi famooro jineefihi. Jaarumoti saafiuro ijaadaco gaayicifihi. Jaaneguiha tolliro amiihai Cristo iimogobadi imino momooni. Jaamo ijaadaco magaayicahi.

<sup>25</sup> Miuro paryi bañamaajefaño iicamo diitoco iniinovatusujirunoco moonitaiti. Jaamo tolli moonifihi ijaada minihaiico igaayiciqui, jilli gueneene iicajitirunoco. Jaanoti naha miihai momoonihi ufucuro ifinijitino jaadaco magaayiciqui. <sup>26</sup> Jaanoti naha uujoho mihiciciniiboro ijiinoobobadi icaiti. Jaabadiro bu sicamañehejeque aganihicibiobadi amocasitih. <sup>27</sup> Jilliro ivi tafiico uuro tajiibafih uujoho imogobadi iicaqui, uujoho saatohoco ijiibogonobuunati uujoho imitino ihiinejiruneguiha.

### Ijinitaditi Afajjinino.

**10** Tañahabomi imeguehi amiihai magaajanoco moheedete paryi famooro Moocaani aimuufaihaciguiinodi efeehecaunoco. Jaamaño famooro Tifai Muuai ono muuaico fatyuuhi. <sup>2</sup> Moise dojicuti Moocaani aimuufaihaciguiinodi, Tifai Muuaifeenedi icano ufuunofeenedi Moise nitiminaabadi minifutuui. <sup>3</sup> Jaabadiro bu famooro sabadiro machuumo Moocaani aaciuno machutaaco, <sup>4</sup> bu paryi famooro aduumo Moocaaniti asaanonifaihuco. Miuro diito Cristoti sefaco agaayicinoti quehecutehicaumo, nifaihuti, mahadunoti mequehecunicibadi. Jaabehicau Cristo diitoma ofoobo. <sup>5</sup> Jaarumoti ajashutino sanoodimo Moocaani imefeenevi imitino icauhi. Jaamaño jiihaifeeneviro sicaisituvi finiumo ofoohigovi iifototimoro ijiinijeve.

<sup>6</sup> Jilli icauno toonoti miihai magaajaqui. Jaamoro iimitinoco mihimogomoro moonitimo miicaqui diito omoonubadi. <sup>7</sup> Jaaneguiha amiihai ijinitaco mejecivedino diitoti saatoho ejecivuubadi. Miuro Caatinihaame neehi: Jaamoro machuumo, aduumo icano. Jaadi jiihbaiminicuumo, noonoro. <sup>8</sup> Ajevaco momoonidino, diitoti saatoho ajevaco omoonubadi. Jaamoco safucuro finisuubo sano ajashutino veintitres mildimoco. <sup>9</sup> Bu Moocaanico minisudino, diitoti saatoho inisuubadi. Jaamoco jiiinimomiri eheedusuneri finiumo. <sup>10</sup> Bu imitino Moocaaniditi mihiiamadino, diitoti saatoho iimaubadi. Jaamoco guijeve abajaabo, Moocaani toomominaafi, finisuuhi.

<sup>11</sup> Jilli icauno moheedetemihaima. Jaanoco Caatinihaamefaño ficuumo toonoti miihai mihiguicivomoro magaajaqui. Jino niinosituvi mihicamo. <sup>12</sup> Jaaneguiha: Uujoho imino aivo sefano icahi onoobo, deesicini daaquetedino. <sup>13</sup> Amiihaico iji inisunicibadiro bu paryi famoovaaco nisufiibo. Jaasumi Moocaanicoro mehescini, diibo amiihaico teemeji iji janaanici amiihaico inisunofaño gañiisutiibo iicaqui. Jaano toono nisu amiihaivi agasesumi toonoti mataajajino icahi. Jinooco Moocaani amiihaico aciji. Jaamo majaabicahi.

<sup>14</sup> Tañahabomi, jaaneguiiha ijñitanoco mejeecivedino. <sup>15</sup> Jilli amiñhaico neehi, gaajaminaa mihicacuuneguiiha. Jaanoco jino amiñhaico afajñinoco amiñhairyo mehesamaaje. Jaamoro magajaci. <sup>16</sup> Jesu guijeveque mehesafotomoro imi adutahilluco mahadumoro Moocaanico mihimonicihi, Cristo itijohoco etetecucafutusumi agaññunofañodi, famooro sahigoviro saafiibadiro mihicanoco eneejirunoco. Jaamoro bu imaahuco miquisicarunicihi Cristo ifiico itetecucafetequi aaciunofañodi saafiibadiro mihicahi eneejirunoco. <sup>17</sup> Miñro miñhai Mohaivojñibo Jesucristo Machuta onoonoco meheetavusumi mahajashutirimo tomaahuti famooro mamachuhi. Jaahica tohica idiñhicaró sahicaró. Jaamaño saafiibadiro miñhai Jesucristoco mimiyaavogonicihi.

<sup>18</sup> Eneecau oono Israel cuumiminaati magajaja, oono jeeçivo asimiti uduumo imitino gajjamima saafiibadiro icamo toonoco uduunofañodi. <sup>19</sup> Jilli onooço: Ijñita miyaamo iicanoco, nootihí. Jaabadiro bu: Diitoco ejeecivonicimaño asimico ificunicimaño sihidi jeevuno, nootihí. <sup>20</sup> Jaanoti naha jilli neehi: Saatoho Moocaanico agaajatimo jeeçivoco eheetavomo jihovo gajjamícoro jeeçivefihí Moocaanico jeeçivotimoro. Jaaneguiiha uujoho imogotihí amiñhai imitino gajjamifañodi mihicanoco. <sup>21</sup> Jaamaño imijitiruno Moocaani imi adutahilluti mahadumoro, bu ijñimi adutahilluti mahaduno. Jaabadiro bu imijitiruno Aivojñibo imi machutati mamachumoro, bu ijñimi machutati mamachuno. <sup>22</sup> Mohaivojñiboco misifiratusudino. Miñhai diibo janaanicivi sihidi mejeevatihí.

### **Jilli Cristotaco Magajineri Imino Mihicano.**

*(Rm 12.1-23)*

<sup>23</sup> Miyaanoco noonícimo: Jilli mihimogonoco paryi fanoovaaco momoonijirahi, onoomo. Jaaruno paryi fanoovaro miñnedi imitatihi. Jiñhi, miyaano fanoovaaco momoonijirahi. Jaaruno momiyaavogoco ujusisunoco amusutihí. <sup>24</sup> Ivinaaca naha mofícoro imino moonítimoro sitaacoro imino momoonijirahi.

<sup>25</sup> Jaabadiro bu paryi fanoovano machuta naajehasivi anaajenehejeque mamachujirahi. Jaarumo dillutimo: ¿Naha tohasimi jihovocaanidi ejeecivugucuuno asimí iicanoco? magajaruva amiñhai esamaajedi iimijitiruneguiiha. <sup>26</sup> Miñro paryi jiññehalliri iicano Aivojñibo Moocaanino.

<sup>27</sup> Jaanoti bu saafi miyaavogominaafi iicatiibo amiñhaico diiboma mamachuqui ucuuhuvusumi, mamachu paryi fanoovaaco amiñhaico aacinehejeque dillutimo, amiñhai esamaajedi imijitiruneguiiha. <sup>28</sup> Jaanoti saatoho amiñhaico: Jino asimí ijñita jeeçivo, noomoro ijñibogohachiiji muduudino, diibo amiñhaico ijñibegueebedi imijitiruneguiiha, bu ihesamaajedi imijitiruneguiiha.

<sup>29</sup> Jaanoco saatoho dillujirahi: ¿Collihí sifí esamaajedi imitirunoco, uudi iminoco uujoho moonitiibo icajirahi? <sup>30</sup> Uujoho bu amachunohallivi Moocaanico graciaço aaciunoco, bu ¿collihí sita uujoho amachunoti: Imitino, neejirahi? noomoro. <sup>31</sup> Jiñ, mamachusumi, mahadusumi, bu fanoovaaco momoonisumi icano paryi Moocaani imiguiiharo momooni. <sup>32</sup> Miñhaiññoobaco toonofañodi imitifañovi magaññisudino judiomico, bu judiomi iicatímoco, bu Moocaani iijanominaaco icano. <sup>33</sup> Jaanoti naha uujoho paryi famoovaaco fanoovavi imino mooniiboro icaji. Tafiguiiharo

imino omooninoco imogotíhi, sitaaco imino omooninoco imeguehi, Moocaani diitoco itaajasuqui.

**11** Jaaneguiiha jino uujoho iicabadiro mihica, jino bu uujoho Cristo iicabadi iicanoti.

### Jilli Gaigoomi Cultofaño Mihica.

<sup>2</sup> Tañahabomi, amihaico sihidi imehi, fahijivaro uuti mehesafotomoro, amihaico ijibeguehinibadi mihichicaneguiiha. <sup>3</sup> Jinooco bu imeguehi magajanoco Cristo gaifiimi abajaabo. Jaabadiro bu mogai abajaabo gaifi. Jaabadiro bu Cristo abajaabo Moocaani. <sup>4</sup> Jaamaño gaifi iinigaico afabaacuuboro Moocaanima cultofaño ihiimaajisumi, bu diibo iimaaco ijibeguejisumi icano imooniruva Cristo ihabajaabo iicaabedi nucufesujiruno. <sup>5</sup> Jaabadiro bu gaigo iinigaico fabaacutigo Moocaanima cultofaño ihiimaasumi, bu diibo iimaaco ijibugusumi icano imooniruva ihabajaabo iicaabo aijidi nucufesujiruno diibo omoonibadiro icano. Ono iinigaico icidaruva iicajirubadi. <sup>6</sup> Jaamaño gaigo iinigaico afabaacugotihachijji jilliro paryi iinigaico icidacuqui. Jaanoti gaiguedi iinigaico iquiticino, bu icidano icano unucufesuhachijji, jilliro ifoboociqui. <sup>7</sup> Jaanoti gaifi foboocijitiirahi, diiboco Moocaani ifibadiro ifiivusumaño, bu diibo iminehejequere omooninofaño di Moocaani imi ifivusucafotomaño icano. Jaanoti naha gaigo iminehejequere omooninofaño di gaifi imi ifivusucafetehi. <sup>8</sup> Miiro Moocaani gaifiico eheetavusumi gaigo baciti diiboco eetavutiibo. Jaanoti naha gaigoooco gaifi baciti eetavuubo. <sup>9</sup> Jaago gaigo gaifiguiiha eetavocafutuuhi. Jaanoti gaifi gaigooguiiha eetavocafututihi. <sup>10</sup> Jaamaño jilliti gaigo iinigaico fabaacunicíhi aiji mityaguino iicanoco Moocaani toomominaaco ihifusuqui. <sup>11</sup> Jaarunaaca Cristofaño di mihicamaño magajahi gaigo ichaharuva gaifi chahajirahi, bu gaifi ichaharuva gaigo chahajirahi icano iicanoco. <sup>12</sup> Jaamaño miyaano gaigo gaifiiti eetavocafutuhi. Jaabadiro bu gaifi gaigooti fiivehi. Jaaruno paryi Moocaani saahi.

<sup>13</sup> Eneecata amihaairyo monoo: ¿Naa imino gaigo iinigaico fabaacutigo Moocaanima iimaano? <sup>14</sup> Mifiivucubadiro mihicanoti magajahi gaifi imeebaiguima icano unucufesunoco. <sup>15</sup> Jaanoti naha gaiguedi imino imeebaiguima icano iinigaico tooneri ifabaacuqui aaciumaño. <sup>16</sup> Jaanoti saatoho toonoti ejenaauhachijji igaajaqui miíhai, bu Moocaani iijanominaa iicamo magajatíhi uufocovi siinoco.

### Aivojiiho Imi Machu Onoonovi Miyaminaa Imitino Omoonino.

<sup>17</sup> Jaanoti naha jinooco amihaico onoonovi amihaico imotíhi. Miiro amihaivaha mihigaivusumi imino moonitimoro imitino momoonihicahi. <sup>18</sup> Miiro uco jiihogomo cultocovaha meheetavequi mihigaivusumi sabadiro icatimo mefeehicahi. Jaano fine miyaano. <sup>19</sup> Jaano miya tolli iicachachijji ijeevadi diitoti mudugaavo miya miyaavogominaa iicamo igaajacafetequi. <sup>20</sup> Jaamaño tolli mudugaacinimaño Aivojiiho Imi Machuco meheetavono miyaano Aivojiiho Imi Machu icacutino. <sup>21</sup> Miiro mamachucujisumi saatohova ijeevadisahaje imegaviro mamachuhicahi. Jaamaño saatoho ajebama icanaaca saatoho mutuvamoro miguiriacociníhicahi. <sup>22</sup> ¿Nacu amiíhai iijano chahahi mahadujiruhigo, mamachujiruhigo icano? Jaamaño jilliti Moocaani iijaco jihovonobadi momoonihicahi, bu imachutama achahamoco munucufesuhicahi icano. Jaanoco ¿milli fine uujoho amihaico neeji? ¿Nacu toonoti amihaico imeji? Chaha, imotíhi.

### Aivojiibo Imi Machu.

(Mt 22.26-29; Mr 12.22-25; Lc 22.14-20)

<sup>23</sup> Jilli uco Aivojiibo ijiibugunoco amihaico jiibuguhi: Miïro Aivojiibo Jesuco aacijifucu ihusefaño maahuco gaayiciubo. <sup>24</sup> Jaaboro Moocaanico toonohallivi iimuudi iquisicuuboro nuuhi: Ifaaji, mamachu. Jino taahuco amihihallivi iquisicuafotono. Jilli momoonihica. Jaamo uco mehesafetehicahi, nooboro. <sup>25</sup> Jaabadiro bu toonoco amachunobuunati ihusefaño ihadutahilluco agaayiciuboro nuubo: Jihillu bohono iimaaco miyanotiro eheetavono tatyijohofañodi. Jaanoco fahiijivaro mahaduno ticovovi uco mehesafetehica, nooboro. <sup>26</sup> Jaaneguiiha amihihai fahiijivaro tohicaco mamachusumi, tohilluco mahadusumi icano toonofañodi magajasuhicahi Aivojiibo Jesucristo iguijeveunoco, diibo siino asaajinohachuta.

### Jilli Mamachu Aivojiibo Imi Machuco.

<sup>27</sup> Jaamaño Aivojiibo Jesucristo Imi Machu onoonoco meheetavusumi cajaanoyohacho Aivojiibo maahuco imitino amachumo, bu ihaduhilluti imitino aadumo icano imitino moonihi Aivojiibo ifico, itijohoco icano. <sup>28</sup> Jaaneguiiha iticoni paryi amihihai imitico mehesamaaimoro Moocaanico mijiiibogo. Jaadi jari tohicati mamachu, bu tohilluti mahadu icano. <sup>29</sup> Jaanegui toono Aivojiibo ifi eneejirunoco gaajatimo toonoco amachumo, aadumo icano ifihalliviro imitino iicajinoco icihi. <sup>30</sup> Jaamaño amihihahi ajashutimo saatoho guihuvahi, bu saatoho niinovahi, bu saatoho guijevecinichi icano. <sup>31</sup> Jaaneguiiha imino mihihai mofico mehesamaaimoro Moocaanico mijiiibogomoro momooniruva Moocaani mihihaico tolli moonitiibo iicaqui. <sup>32</sup> Jaamaño Moocaani mihihaico mohimitihalliti jilli moonifihi mihihaico ahaamiibo sano Moocaanico imiyaavogotimoma mihihaico ciijigaifaño iganiijiruneguiiha.

<sup>33</sup> Jaaneguiiha tañahabomi, Aivojiibo Imi Machuco mamachuqui mihigaivusumi motoomocasimoro sano mamachu. <sup>34</sup> Jaanoti saatoho sihidi mahajebavahachiji iticoni amihihai iijafañerehiica mamachu, amihaico Moocaani imitino mihigaivomoro momooninohalliti aamidiibo. Jaanoti sanehejeque ufucu amihaico uujoho Pablo abaatodi imibachuji.

### Moocaani Gaija Aacino.

**12** Tañahabomi, imeguehi jinoco magajaanoco Moocaani Gaija mihihaico aacifinehejeque.

<sup>2</sup> Amiihairyo magaaacuhico Moocaanico mimiyaavugutisumi jilli jihovoto ijinita ihiimaatimoco mejeecivehicaunoco. <sup>3</sup> Jaaneguiiha imeguehi jisumi magajaanoco: Cajaanoyohacho Jesuco afajjamo Moocaani Gaijari toono ihiimaano icatino. Jaanoti naha saatoho: Jesu Aivojiibo, onoomo naha jino Moocaani Gaija mityariro ihiimaamo.

<sup>4</sup> Miïro icano siibadihije Moocaani Gaija aacinoco miyaminaafi agaayicino. Jaaruubo saafiïro Moocaani Gaija toonoco aaciibo. <sup>5</sup> Jaamaño siibadihije omoonino dudicamaajeri Aivojiiboco jeecevefimo. Jaaruno saafiïro iicaaboco Aivojiiboco mejeecivehi. <sup>6</sup> Jaabadiro bu Moocaani dudicamaajeque momoonimo fanoovaaco siibadihije momooninichi. Jaarunoco saafiïro Moocaani famoovafeenedi tolli moonihi. <sup>7</sup> Moocaani famoovaaco siibadihije aacinoco momoonihi Igaija diitoma iicanoco

igaajasuqui famoova imiguiiharo. <sup>8</sup> Moocaani Igaijafañodiro saatohoco aciibo gaaja iimaaco. Jaabofenediro bu saatohoco aciibo sihidi gaajari ihiimaanoco. <sup>9</sup> Jaabofenediro bu saatoho gaayicichi miyaavogoco. Jaabofenediro bu saatoho gaayicichi iguihuvamoco ubuheesuno mityaco. <sup>10</sup> Jaanoti bu saatoho gaayicichi sihidi ejevano mityaco omoonijinoco. Jaanoti bu saatoho gaayicichi Moocaani iimaaco ijiibogonoco. Jaanoti bu saatohoco Moocaani acihi agaajacijino mityaco jihovo gaijaco, miya Gaijaco icano, cono miya Gaija iicanoco. Jaanoti saatoho gaayicichi agaajaratijiri ihiimaano mityaco. Jaanoti bu saatoho gaayicichi toojiri ihiimaanoco agaajaciiboro ijiibogono mityaco. <sup>11</sup> Jaano paryi jinehejeque omooninoco idiiboro Moocaani Gaija acihi. Diibo famoovaaco ijevadisahaje omoonino mityaco acihi diibo imogobadi.<sup>c</sup>

### Saafi Ifihotoro Miihai.

<sup>12</sup> Miiro mofi sanooro icaruno fiivaano miino ifiiti sihidi dugaacacineheje iicanobadi, bu Cristota famañoova jeevomañehejeque meheetavorahi. Jaarumo saafiitaro mihicahi. <sup>13</sup> Jaabadiro miihai judiomi mihicarumo, griegomi mihicarumo, sifi jijovoto mihicarumo, bu sifi jijovoto mihicatirumo icano, sagaijaro minitacafotonofenedi saafi ifibadiro miminifutucuuhi bu sagaijacoro paryi miihai magaayicicuumaño. <sup>14</sup> Miiro mofiiti fiivaano inonohocinihi sanooro icatino. <sup>15</sup> Jaamaño tihai: Uujoho use icatimaño ifiiono icatiji, neejiruno. Jaaruno bu toofionoro. <sup>16</sup> Jaabadiro bu nohoji: Uujoho aalli iicatimaño ifiiono icatiji, neejiruno. Jaaruno bu toofionoro. <sup>17</sup> Jaamaño paryi mofi sano aalli iicaruva, ¿milli bu muguubujirahi? Jaabadiro bu mofi paryi sano nohojiro iicaruva, ¿milli minihicijirahi? <sup>18</sup> Jaamaño Moocaani mofionehejeque iimogomañehejevi ficuubo. <sup>19</sup> Jaanoti sanooro muhuse iicaruva, ¿cuuca mofi icajirahi? <sup>20</sup> Miiro mofioneheje fiivaahi. Jaaruno mofi sanooro. <sup>21</sup> Jaamaño mohaalli muhuseque: fco imogotiji, neejitirahi. Jaabadiro bu monigai motihaico: fco imogotiji, neejitirahi. <sup>22</sup> Tolli icatino. Mofiono ajaaparyanehejeque janaanici magaijiji. <sup>23</sup> Jaabadiro bu mofiiti miiviro magaijinehejeque imino gaachehuri mijicuniciji. Jaabadiro bu oovosiitimañehejeque imino mofoboociji gaachehuri. <sup>24</sup> Jaanoti naha oovosiitimañehejeque mofoboociji oovosiimaño. Jilli Moocaani mofico eetavuuhi, mofi oovosiitimañehejeque janaanici magaijiqui. <sup>25</sup> Toonoti mofioneheje ijevadi dugaacamaaitino iicaqui. Jilliro fanoovaro sabadiro igaijicasiqui. <sup>26</sup> Jaanoguiha samaño aavuvusumi, bu paryi faabohoro aivevehi. Jaabadiro bu samañooco imino momoonisumi paryi faabohoro imo imo icahi. <sup>27</sup> Jaamaño jaabadi amiihai Cristo ifi mihicamo. Jaamo famooro diibo ifiioneheje mihicamo. <sup>28</sup> Jaamaño Moocaani famooco saafisari iticovoocivi acihi Moocaani iijafaño dudidamaajeque: Iticoni minisuminaaco, jaanohallivi Moocaani iimaaco agaayicinoco ijiibeguefimoco, jaanohallivi jiiibogominaaco, jaanohallivi sihidi ejevanehejeque omoonifimoco, jaanohallivi iguihuvamoco ubuheetesufimoco, bu aamusuminaaco, bu aivojitoco, bu agaajaratino iijineri ihiimaafimoco icano. <sup>29</sup> ¿Nacu jaamo famooro minisuminaa? ¿Nacu famooro Moocaani iimaaminaa? ¿Nacu bu famooro jiiibogominaa? ¿Nacu famooro sihidi ejevano eetavominaa?

c 12.4-11: Meeci Col 4.7-16.

<sup>30</sup> ¿Nacu bu famooro iguihuvamoco ubuheesuno mitiyama icahi? ¿Nacu famooro iimaafihi agaajaratino iijineri? ¿Nacu bu famooro jiiibeguefihi toojiri ihiimaanoco? Chaa, tolli icatino. <sup>31</sup> Jaaneguiiha janaanici iiminoco Moocaaniti magaayicijnoco miguiino. Jaarunaaca uujoho amiihaico jiiibegueji aivo janaanici jino imino esamaajeque.

### Gaijima Mihica.

**13** Miiro uujoho miyaminaa iijineri, bu Moocaani toomominaa iijineri icano iimaaruubo, gaijima chaharuva, jilli ciimibaco ahaamino ticovono ojibadi jeevajirahi, bu jigaiño meehuco mohojisuno idicuno iicabadi jeevajirahi. <sup>2</sup> Jaabadiro bu Moocaani iijico jiiibuguruubo, bu fanoova itihiihehejeque gaajaruubo, bu fanoova gaajama icaruubo, bu sihidi miyaavogoma iicanofenedi ifabainoco sihigovi afatyunoma icaruubo, gaijima chaharuva, jilli uujoho mihifoobejiru. <sup>3</sup> Jaabadiro bu paryi tabusumijeque sitaaco ifehicaruubo, bu tolliro tafico gaijitiibo acijirahi Moocaanico imogobadi ijigasuhachiiji, jaarunaa gaijima chaharuva, ¿jilli tolli omooniruno uudi jinehejeguiiha imijitirahi?

<sup>4</sup> Jaanoti naha gaijima iicaabo, bu fanoova jaabicima icahi. Jaabo bu imihusehi, sitaaco inohallitiro jiihevetatiibo, uujoho sihidi jeevahi nootatiibo, tafico mitya mitya moonitatiibo icano. <sup>5</sup> Bu tolliro idicunono moonitatiibo, gaijifitatiibo icano. Tolliro bu sifiiratotatiibo, bu imitino omoonimoco guenenene jiihevetatiibo. <sup>6</sup> Bu tolliro sita imitico omoonineri imo imo icatatiibo miyaaneriro imo imo iicafiibo, <sup>7</sup> fanoovaaco miyaavogooboro jaabicifiibo tomooboro siicueebiiri.

<sup>8</sup> Gaiji ufucuro finijitih. Jaanoti naha ufucu iicajinoco jiiibogoneheje finiji. Jaabadiro bu agaajaratino iijineri ihiimaa liiveji. Jaabadiro bu gaajahaño finiji. <sup>9</sup> Miiro Moocaani iijiti sasitusacohoro magajahi. Jaasitusacoro mijiiibeguehicahi. <sup>10</sup> Jaanoti fanoocoro imino magajacuudi toono miidimañehejequere magajahicano finiji.

<sup>11</sup> Uujoho seemene iicausumi seemene iicanicibadi iimaahicauhi, esamaahicauhi, esicinihicauhi icano. Jaaruubo amiyaabo iicacuudi seemenebadi iicahicaunoco jeevesucuhi. <sup>12</sup> Jaabadiro jisumi miihai jaabaiba mahatyimehi oono meecimefaño jaabaiba mahatyimenicibadi. Jaarumo ufucu imino foovono mahatyimeji. Jaabadi jisumi uujoho paryiicino gaajatihi. Jaaruubo ufucu paryiicino gaajaji, uco Moocaani imino agaajabadi. <sup>13</sup> Jaamaño idiinoro Moocaani miyaavogo, bu diibo onono miyaavogo, bu gaiji icano ufucuro finijitih. Jaarunehejeti aivo gaiji janaanici jeevahi.

### Agajaratino Iijineri Iimaanoco Onoono.

**14** Jaaneguiiha gaijima miicaqui imino miguiino. Tolliro bu Moocaani Gaija aacinoco miguiino. Jaano janaanici miguiino Moocaani iijico mijiiibeguejinoco amiihaico ihaciqui. <sup>2</sup> Jaanoti agaajaratino iijiri ihiimaabo Moocaanidiro iimaahi miyaminaaguiiha iimaatiibo, miihaiñooba toonoco uguubutimaño. Jilli Moocaani Gaajariro iimaabo toovono iicaruno iiminuru iicanoco. <sup>3</sup> Jaanoti naha Moocaani iijico jiiibogoobo sitaaco jiiibeguehi. Jaanofenedi diito miyaavogoco jusisuubo, bu quehecutusuubo, jacusuubo icano. <sup>4</sup> Jaanoti agaajaratino iijiri ihiimaabo ifiguiiharo iimaahi. Jaaneri diibo miyaavogoro jusihi. Jaanoti Moocaani iijico jiiibogoobo paryi Moocaani iijaminaa miyaavogoco jusisuihi.



<sup>5</sup>Uujoho imogorahi paryiicino amiikai agaajaratino ijiri mihiimaanoco. Jaano janaanivivi imeguehi Moocaani ijico mijibogonoco. Miuro Moocaani iiji jibogo aivo janaanivivi imihi. Jaanoti agaajaratino ijiri iimaano miyaadi jeevatih. Toojiri onoonoco saatoho ijibogotiruva aivo sihidi jeevajitiruno. ¿Milli bu Moocaani iijaminaa uguubuneri imiyaavogo jusijirahi? <sup>6</sup>Jaabadi tañahabomi amiikaico abaatoobo agaajaratino ijiri amiikahama iimaaruva, ¿jinejeque toonoti magaayicijirahi? Jaanoti naha miikaico Moocaani agaajasunoti, bu amiikaico miyaanoti jibuguruva, Moocaani ijico jibuguruva icano naha amiikahidi imijirahi.

<sup>7</sup>Eneecau bu masii oono ifiima achahano siruubavi, arpavi icano mohooviciqui. Jaanoco jilli ticovono mohojisuruva, ¿milli bu magaajajirahi imasijico? ¿cojiico ojisunoco? <sup>8</sup>Jaabadiro bu corneta jilli ticovono ihojiruva, ¿miijoho bu imibaivejira imoonicasiqui? <sup>9</sup>Jaabadiro bu amiikahidi magaajatijiri onoonoco, ¿milli bu muguubujirahi? Jilli sicamañoma ihiimaamobadi jeevajiruno. <sup>10</sup>Fine jiiinjehallivi ajashutino iijino icahi. Jaaruno paryi fanooro gaajaveechuhi. <sup>11</sup>Jaanoti uujoho agaajatino ijiri saatoho uuma ihiimaamedi diitedi uujoho siijiinjeeobobadi jeevajirahi, uuti bu diibo siijiinjeeobobadi jeevajirahi. <sup>12</sup>Jaamaño amiikai Moocaani Gaija aacinoco mihimogomaño, miguiinomoro magaayici oono Moocaani iijaminaa miyaavogoco ujusisunoco.

<sup>13</sup>Jaanoti bu agaajaratino ijiri ihiimaabo toono iimaahallivi Moocaanico idilluqui. Jaanoco agaajaaboro ijibeguejino mityaco Moocaani diiboco ihaciqui. <sup>14</sup>Jaanoti uujoho agaajaratino ijiri Moocaanima iimaaruva miyaano tagajafañodiro iimaahi. Jaaruno imino eesicinino icatino. <sup>15</sup>Jaaneguiiha fine, ¿milli moonijirahi? Jilli fine Moocaanima ihiimaasumi tagajari, bu tahesicinima icano sano iimaajirahi. Jaabadiro bu Moocaani masinoco amivasumi tagajari, bu tagaajama icano sano masivajirahi. <sup>16</sup>Jaamaño ijihoho Moocaanico digajiriro diimuruva, saafi jilli ticovono iicaabo, ¿milli bu ico nahabonijirahi? Miuro ijihoho onoonoco gaajatiibo. <sup>17</sup>Jaano toono ijihoho Moocaanico idiimono aivo imijirahi. Jaarunofeenedi diibo miyaavogo jusijitirahi. <sup>18</sup>Jaaneguiiha Moocaanico uujoho imehi, paryi amiikai janaanivivi agaajaratino ijiri iimaanohallivi. <sup>19</sup>Jaaruubo Moocaani iijafaño imeguehi ajashunogayi ihiimaarunoco imino muguubunoco, toonoti sitaaco gaajasuqui. Aivo jino sihidi imihi, agaajaratino ijiri diez mildino munuuruno janaanivivi.

<sup>20</sup>Jaaneguiiha tañahabomi, fine seemebadi mehesamaaño. Jaanoti iimitinojaagodiro seeme agaajatisejebadi mihica. Jaarumo amiyatobadiro mehesamaaje iiminojaagodiro. <sup>21</sup>Miuro Moise tajiiba Caatinahaamefaño jilli neehi: Jiicumiminaaco siicumiminaa ijiri neehi siicumiotofeenedi. Jaarunaaca uco: Miyaano neejitimo, noobo Moocaani, noonoro. <sup>22</sup>Jaamaño agaajaratino ijiri iimaano imiyaavogotimocoro igajasuqui icano; imiyaavugucumoco igajasuqui icatino. Jaanoti bu Moocaani iiji jibogo mitya imiyaavugucumoco agaajasuno. Jaanoti imiyaavogotimoco agaajasuno icatino. <sup>23</sup>Jaabadiro bu paryi Moocaani iijaminaa sahigoviro iigaivomoro sabadiro agaajaratino iijineri ihiimaamofeenevi saafi agajatiibo, bu imiyaavogotiibo icano ijicafuturuva: Jilli fine jito jeegevehi, neejiruubo. <sup>24</sup>Jaanoti famooro Moocaani ijico mijibogomofeenevi imiyaavogotiibo, bu agaajatiibo icano ijicafuturuva, diibo imitino iicahicanoco gaajacujiruubo, toono paryi amiikai monoonoco uguubunofeenedi. <sup>25</sup>Jilliti jari diibo

jeebiifaño iicano agaajarahicatino foovoiiveji. Jaadi jari ememuiivooboro Moocaanico imeji: Miyaano jahi amiihaifeenevi Moocaani icahi, nooboro.

### **Moocaani Iijafaño Mufuusumi Imino Meheetavo.**

<sup>26</sup> Jaaneguiiha tañahabomi, jilli amiihaico neejirahi: Mihigaivusumi amiihaiti saatoho masima iicahachiiji, bu ijiiibeguejinoma iicahachiiji, bu Moocaani agaajasunoco ijiiibeguejinoma iicahachiiji, bu agaajaratino ijiri ihiimaanoma iicahachiiji, bu toojiri ihiimaanoco ijiiibeguejinoma iicahachiiji icano, imino momooni Moocaani iijaminaa miyaavogoco ujusujino iicahachiiji. <sup>27</sup> Jaamo bu agaajaratino iijineri ihiimaajisumi miimisiicro mihiimaa; sihidi iicasumi miimisiici, saafi idiinoro mihiimaa. Jaarumo sano icatino, saafisariro mihiimaa. Jaanoco bu saatoho ijiiibequi diito ononoco. <sup>28</sup> Jaanoti toonoco ijiiibeguejirumo achahahachiiji sijiijeri mihiimaadino mihigaivusumi. Jiliiro amiihaifañodiro mihiimaa Moocaanimaryo. <sup>29</sup> Jaabadiro bu Moocaani ijico mijiiibeguejino iicahachiiji miimisiicro mihiimaa. Jaanoti iguiraasumi miimisiici, saafi idiinoro mihiimaa. Jaanoco saatoho muguubunicimoro mehesamaaje: ¿Naa miyaanoco? noomo, noomoro. <sup>30</sup> Jaanoti bu igiciniiboco sabogoco Moocaani igaaasuruva imegavi ihiimaabo illiivequi. <sup>31</sup> Jiliti paryi amiihai Moocaani ijico magaayicichicamo saafisari mijiiibogo, famooro imino uguubumoro iquehecucafetequi. <sup>32</sup> Jaaneguiiha Moocaani ijico ijiiibogomo ihesamaajeque iguiinoniqui saafi ihiimaanohachutahiica. <sup>33</sup> Miuro Moocaani sajeebi icaco aaciibo imitasuubo icatino.

Oono fahigova iicamo miyaavogominaa Moocaani iijanofaño iicanicibadi. <sup>34</sup> Jaabadiro bu gaigoomi cultofaño lliivi iimaatimo iicaqui, Moise tajiibafaño onobadi iicaqui. <sup>35</sup> Jaanoti agaajanoco iimogohachiiji jari iijafaño ofoodi aijico idilluqui. Imijitiruno gaigo cultofaño ihiimaano.

<sup>36</sup> Jaabadiro bu magaaja Moocaani iiji amiihaiti ticovahinitih, bu idiimoro amiihai toonoco magaayicihinimo mihiicatih. <sup>37</sup> Amiihaiti saatoho: Moocaani ijico ijiiibogonoco aivo gaajahi, monoomo, bu Moocaani Gaijafenedi gaajahi, noomoro mehesicinimo iicano. Jinooco magaaja jihaamefañodi jilli amiihaico onono jino Aivojiibo Moocaani tajiiba iicanoco. <sup>38</sup> Jaanoti jinooco imiyaavogotiibo ononoco: Miyaano, menedino.

<sup>39</sup> Jaaneguiiha tañahabomi, Moocaani ijico mijiiibeguejinocoro aivo miguiino. Jaamoro bu agaajaratino iijineri iimaaco mafaguedino.

<sup>40</sup> Jaanoco ivi iminoro meheetavo mitasutimo.

### **Cristo Siino Ubuheeteunoti Ijiiibogono.**

(Mt 22.1-10; Mr 12.1-8; Lc 22.1-12; Jn 22.1-10)

**15** Jaaneguiiha tañahabomi, imeguehi taajasujiiibogoco amiihaico uujoho ijiiibeguehininoco mehesafotonoco. Tobogoco amiihai magaayicihinibogofaño quehecuno mihiicabogo. <sup>2</sup> Jaabogofenediro bu amiihai mataajacuhi amiihaico ijiiibeguehinibadiro mihiicahachiiji miyaano mimiyaaveguehinihachiiji.

<sup>3</sup> Miuro amiihaico iticoni jiiibeguehinih Moocaaniti agaayicihinibogoco: Cristo mohimitihallivi iguijeveunoco, oono Caatinihaamefaño unuubadi.

<sup>4</sup> Jaaboco icicuruubo siino mifucuci, safucu icanoti buheeteubo, oono bu Caatinihaamefaño unuubadi. <sup>5</sup> Jaabo Pedrovi jafeveuhi. Jaadi bu tolliro saatoho paryi famooro iminisuminaavi icano. <sup>6</sup> Jaabadiro bu tolliro

safoono saatoho miyaavogominaavi jafeveubo ajashutimo quinientodimo janaanivivi icaumovi. Jaamehiica icacinihi, Pablo unuusumi. Jaanoti saatoho diitoti choomocinicuhi. <sup>7</sup> Jaanobuunati bu Jacoobovi jafeveubo. Jaadi bu paryi iminisuminaavi icano.

<sup>8</sup> Jaanobuunati bu niinoonoro uuvi jafeveubo. Jaabo uco sisituviro minisuminaafiti icuhi, oono oovago iseemeneque sisituviro agaaniicibadi iicauboco. <sup>9</sup> Miiro uujoho minisuminaati sihidi ejeevatiibo uco minisuminaafi monootatiruubo Moocaani iijaminaaco imitino omoonihinimaño. <sup>10</sup> Jaaruubo jino uujoho diiboti icahi Moocaani uco agaijimaño. Jaamaño diibo uco imino omooniuo sicamañovi footihi. Miiro paryi diito janaanivivi dudicamaaihi. Jaaruno uujoho omoonino icatino, jilli Moocaani iimihuseri tafañodi omoonino. <sup>11</sup> Jaanoco uujoho, diito icano sabogocoro mijiiibeguehi. Jaabogoco amiihai mimiyaavuguuhi.

### Uchuumucuumo Siino Ubuheetejino.

<sup>12</sup> Jaano bu mojiibogo Cristo uchuumucumofeeneti siino buheeteuhi onoono bu iicanaaca, bu çmilli amiihaiti saatoho siino mubuheetejino chahahi, neehicahi?<sup>d</sup> <sup>13</sup> Jaano bu tolli icaruva, çjaana milliti bu Cristo siino buheeteuhi? <sup>14</sup> Jaanoti miyaano Cristo siino ubuheeteutihachijji jino mojiibogo jilli sicamañovi, bu oono amiihai miyaavogo jilli sicamañovi icano. <sup>15</sup> Jaaneguiiha jahi bu miihai Moocaaniti sicamañooco mijiiibeguehicahi, Moocaani Cristoco guijevafañoti buheetesuui, monoomo. Jaanoti miyaano uchuumucuumo siino buheetesuracutimo iicajiruva, jaanaa çmilliti bu siino Cristo buheeteuhi? <sup>16</sup> Jaaneguiiha uchuumucuumo siino buheetesuracutimo iicajiruva, Cristo siino buheetesurautihi. <sup>17</sup> Jaanoti bu Cristo siino ubuheetesurautihachijji, amiihai miyaavogo jilli sicamaño. Jaaneguiiha jahi amiihai imitifañerehiica mihicahi. <sup>18</sup> Jaaneguiiha jahi bu Cristoco imiyaavogomo iguijevecumo taajacujitih. <sup>19</sup> Jaaneguiihacu Cristoco mehescinino jilli jijehalliviro mihicaquiguiiharo iicahachijji miihai famoo janaanivivi idaasuno mihicahi.

<sup>20</sup> Chaha, tolli icatino miyaano aivo Cristo uchuumucuboco siino Moocaani ubuheetesuuno. Jaamaño Cristo imegaobo ufucu siino ubuheetejimoti ubuheetecuubo. <sup>21</sup> Miiro oono saafi Adan onoobofañodiro guijeve asaubadiro, bu saafi Cristofañodiro iguijevecumo siino ubuheetejino saahi. <sup>22</sup> Oono paryi Adanoto iicamaño iguijevenicibadiro, bu oono paryi Cristooto iicamaño fiivoma icaji. <sup>23</sup> Jaaruno sano diiboma icajitino; iticoni diibo buheetehinicuui. Jaadi jari diito, diibota iicamo, buheeteji diibo asaadi. <sup>24</sup> Jaadi jari jiiinije ifinijino icaji. Jaasumi Cristo finisujji paryi jihovo tajiibaco, bu fanooro paryi aivojico, bu paryi mityaco icano. Jaadi Moocaanico ihaivojico acijiibo. <sup>25</sup> Miiro Cristo aivojiveji jari paryiicino Moocaani iminaaco iguiinomicudi. <sup>26</sup> Jaadi bu guijeveque niinoono finisujjiibo. <sup>27</sup> Miiro Moocaani paryiicino Cristoguiinovi ficucuui. Jaaruno Caatinihaamefaño paryi diiboguiino ficucafotono nuurunaaca idiiboro Moocaani diiboguiino ficucafototih. Miiro diibo paryi fanoovaaco Cristoguiinovi ficuui. <sup>28</sup> Jaadi paryiicino Cristoguiinovi ificucafutucuui,

**d 15.12:** Griego iijiri: Isaia onoo bo caacamiti ruutuji. Jaabo agaaniivooboro cuumiminaa Aivojiiiboti icaji, noono.

Cristo Illi iicaabo Moocaaniguiinovi ficuucafeteji; miiro diibo Cristoguiinovi fanoovaaco ificuubo. Jaamaño jilliti Moocaani fanoovahallivi icaji.

<sup>29</sup> Jaanoti bu saatocho ochoomocinihicaumeguiiha ifiinoco nitihicahi.

¿Collihi bu jaamo tolli moonihicahi? Miiro diito siino ubuheetejinoco imiyaavogotiruva tolli moonihicajitirumo.

<sup>30</sup> ¿Nacu milliti miikai fahijivaro ñihicunofaño mihicahicahi? <sup>31</sup> Miiro uujoho fahijivaro guivefaño icahicahi. Jaano aivo miyaano, tañahabomi, oono amiikai Cristoco mimiyaavogomaño uujoho imo imo icahicano miyaano iicabadi. <sup>32</sup> Uujoho jilli onomaño Efeso cuumivi jicumibadi iicahinimo miyaminaama moonicasihinihi. Jaaneguiiha, çtoonoti jinejeque icijirahi, miyaano uchuumucuumo siino buheetecuutimo icajiruva? Jaaneguiiha saatocho enehicabadi imijiruno mihicano: Mamachuqui, bu mahaduqui icano civohogo miguijevucujimaño, noomoro.

<sup>33</sup> Amiihaico sita bañidino. Miiro noonicimo: Imitino gataavominaa imino iicafiruuboco imitino jeevamaaisufihi, noomoro. <sup>34</sup> Jaaneguiiha amiikai iminoro mihica iticovono ifiima. Jaamoro imitico momoonidino. Miiro oono amiikahiti saatehehiica Moocaanico gaajatihi. Jilli amiikaico neehi, jaanoti jaamo munucufevahi.

### Jilli Uchuumucuumo Siino Buheeteji.

(1Tes 4.14-17)

<sup>35</sup> Fine saatocho dillujirahi: ¿Milli fine uchuumucuumo siino buheeteji? ¿Milli jeevano ifinoma fine icajimo? noomoro. <sup>36</sup> Jeedi fine aivo agaajatimo. Miiro siino toogaico mabasuno ochoomonobunati ifaho iinefihhi. <sup>37</sup> Miiro trigoco, bu tobadi iicanoco mabasujisumi, ifahooco mabasuno ihiinotatihi itoogaico mabasuno iinefihhi. <sup>38</sup> Jaano mabasunoco Moocaani iimogobadi fiivusufihi siyomono toogaico siibadi, bu siyomono toogaico siibadi icano. <sup>39</sup> Miiro sabadiro ifino icatihi: Siibadiro miyaminaa ifi, bu siibadiro asimi ifi, bu siibadiro joomi ifi, bu siibadiro taava ifi icano. <sup>40</sup> Jaabadiro bu icano niquejeminaa ifi, bu jiiinjeminaa ifi icano. Jaarunaa niquejeminaa ifi ovosii siibadiro, bu jiiinjeminaa ifi ovosii siibadiro icano. <sup>41</sup> Jaabadiro bu cujeo nihiba sese siibadiro, bu fucuo nihiba sese siibadiro icano. Jaabo sese bu meeciri seseeti siibadiro. Jaabadiro bu meeciri sese saafi sese siibadi, bu sifi sese siibadi icano. <sup>42</sup> Jaabadi bu jeevano uchuumucuumo siino ubuheetejimo. Jaamo utuucifino ifiico miciniichi. Jaanobunati siino mubuheeteedi utuucicujitino ifiima mihicaji. <sup>43</sup> Hdicunoco miciniichi. Jaaruno siino ubuheetecudi ovosiicinicuhi. Bu niinovanoco miciniichi. Jaaruno siino ubuheetecudi sefacuno. <sup>44</sup> Miyaminaafi ifiico miciniichi. Jaaruno siino ubuheetecudi gajia ifiirucu icano. Jaamaño miyaminaa ifi iicabadiro, bu gajia ifi icahi.

<sup>45</sup> Miiro jilli Caatinihaamefaño noono: Iticonio miyaminaafi Adan onoobo fiivo ifiima eetavocafutuhi. Jaanobunati Cristoco: Niinoo Adan, neehicaumo jilli Gaijafenedi fiivoco aacineguiiha. <sup>46</sup> Jaaruno Gajia ifi iticoni mihicatihi. Jilli miyaminaa ifiiti iticoni mihicahi. Jaadi jari Gajia ifiiti mihicatahi. <sup>47</sup> Iticonio miyaminaafico jiiinjeti eheetavuubo jiiinjeminaafiu. Jaano allivioobo iicaabo Aivojiiho Jesucristo niquejeoobo. <sup>48</sup> Jaamaño jiiinjeminaa ifino johono jiiinjeti eheetavuubo ifibadi jeevahi. Jaanoti niquejeoto igaijano johono niquejeoobo igaijabadi jeevahi.

<sup>49</sup> Jaabadiro miikai oono jiiinjeti eheetavuubo ifibadi mejeevamaño, bu ufucuo oono niquejeoobo ifibadi mejeevaji.

<sup>50</sup> Tañahabomi, jilli amihaico eneejirunoco neehi: Oono ihuucuma, itiiijohoma icano iicamo Moocaani aivojifaño feejitihí. Miíro oono guenene iicatinó ufucuro ifinijitinofaño icajitihí, eneejiruno. <sup>51</sup> Imeguehi bu jino agaajaratinoco magaaanoco: Famooro miguijevejitihí. Sano famooro siibadi mifiiveteji. <sup>52</sup> Jilli goovanogayi oono miíno aalliico mimichihyaacuno iicanicibadi, niinoono trompetaco ojísucudi. Jaasumi toono trompeta ojidi uchuumucuumo siino buheeteji ufucuro chuumucuumo iicaqui. Jaanoti miíhai sifiiti miminifeteji. <sup>53</sup> Oono mofi guenene icatinó ifi, ufucuro milli iicajitino ifiiti fiiveteji. Jaabadiro bu mofi iguijevefino ifi iguijevefitino ifiiti fiiveteji. <sup>54</sup> Jaano oono mofi guenene iicatinó ifi, ufucuro milli iicajitino ifiiti fiivutucuudi, bu oono mofi iguijevefino ifi iguijevefitino ifiiti fiivutucuudi icano, Caatinihaamefaño onoono miyaaveji:

Guijeveque Moocaani mitya guinoniji. <sup>55</sup> Guijeve,  
 ¿cuuca icano dimitya miíhaico iguijenihicano?  
 Guijeve, ¿cuuca icano dimitya guinoniji eneehicano?  
 Caatinihaamefaño onoono.

<sup>56</sup> Miíro imiti, guijeveque mityaco acihicahi, miíhaico iguijeniqui. Jaabadiro bu Moise siicijeo tajiiba imitico mityaco acihicahi. <sup>57</sup> Jaanoti naha jisumi miíhai Moocaanico mihimehi, Mohaivojiibo Jesucristofeenedi miíhai guijevecutimo mihicajino mityaco aacinohallivi.

<sup>58</sup> Jaaneguiiha agajimo tañahabomi, quehecuno sefano mihica, fahiijivaro janaaniviro Mohaivojiibo dudidamaaje eetavomoro mihica. Miíro amiihairyo magaaajuhi Mohaivojiibedi mududicamaaño sicamañovi iicatinoco.

### **Cristofañodi Monahabomi Iicamedi Nihibamico Mahallacaruno.**

**16** Jaanoti bu amiihaico neehi Cristofañodi monahabomi iicamedi nihibamico mahallacarunoti: Johono Galacia jiniijeri iicajano Moocaani iijanominaaco iijibuuguubo unuubadi momooni. <sup>2</sup> Fajaguisivaviro famooro amiihai magaayicinoti ijeevadi mudugaacumoro mificuhica magaayicidinoti gaajacimoro. Jaamo uujoho iifotodi toonoco eheetavotimo mihicahi. <sup>3</sup> Jaabo uujoho iifotodi amiihai monoomoco galluji Jerusalevi aamenema, diito isatyequi monahabomi tahigo iicamedi amiihai mahallacaruno nihibamico. <sup>4</sup> Jaanoti bu uuro ofoono uudi iimihachiiji, uuma feejimo.

### **Pablo Efejinoco Ifitacamaaño.**

<sup>5</sup> Jaabo amiihaijaago ofoodi, iticoni fatyeji Macedonia jiniijefañodi. Jaadi jari amiihaivi Corinto cuumivi ifeteji. <sup>6</sup> Jaabo amiihaima guenejisuno iicahachiiji. Jaanoti bu paryiicino jiniijaco toonoviro afatyohachiiji. Jaachiiji uco mahamusu efejihigovi ofooboco. <sup>7</sup> Imogotihí amiihaijaago ofoobo jilli ifatyodi ofoonoco. Imeguehi amiihaima guenene iicanoco Mohaivojiibo Jesucristo iimogohachiiji. <sup>8</sup> Jaaruubo jino Efeso cuumivi icajihica Pentecoste jibaimo afatyonohachuta. <sup>9</sup> Jisumi jimañovi aivo imino Moocaani dudidamaaje eetavo, aivo imino ofoomaño, bu sihidi saatohe imogotimo uco iijihigeeume iicamaño icano.

<sup>10</sup> Jaanoti Timoteo amiihaivi iifotohachiiji imino diiboco magaayici sajeebii iicaqui. Diibu bu uubadiro Mohaivojiibedi ududidamaaibo.

<sup>11</sup> Jaaneguiiha amiihaiti saatohoba diiboco mitihimejetasudino.

Jilliro diiboco mahamusu sajeebii ofooboro uco imeecivaqui. Jinoti diiboco teemehi, bu saatoho monahabomi asaajimoco icano.

<sup>12</sup> Jaanoti Apolo onooboti amiihaico jiiibeguehi: Monahabomima diiboco galluucuurahi amiihaico ibaatequi. Jaaruubo foogotih. Jaaruubo iimugusumi feejiibo.

### Niinoono Afajjinino.

<sup>13</sup> Jaaneguiiha allivano mihica, bu quehecuno mihica miyaavogofaño, gaifiimi mihica, sefano mihica. <sup>14</sup> Paryi fanoovaaco meheetavonoco sitaaco magaijinofañodiro meheetavo.

<sup>15</sup> Tañahabomi, amiihairyo magaajacuhi Estefano iijaminaama iticoni Acaya jiiijevi Jesu jiiibogoco agaayicimoco, bu tolliro miyaavogominaaco ejeecivehicamoco icano. <sup>16</sup> Jaaneguiiha uujoho imeguehi diito onoobadi momooninoco, bu saatoho diitobadi iicamo onoobadi, bu jaamoco aamusumo ududicamaaimo onoobadi icano momooninoco. <sup>17</sup> Aivo imo imo icahi diibo Estefano onoobo, bu Fortunato onoobo, bu Acaico onoobo icamo tajaago asaaneri. Jaamo uco amusuhi amiihai uco mahamusutinoco, juuga machahamaño. <sup>18</sup> Jaaneri uujoho aivo imo imo icahi, oono amiihaico abaahinisumi amiihai mihicahinibadiro. Jaaneguiiha diitobadi iicamoco mobocigo.

<sup>19</sup> Moocaani iijano Asia jiiijeri iicajahajeminaa amiihajaa iijico galluui. Jaabadiro bu Aquila onoobo, bu mogai Pricila onoogo iicamisi, bu diitisi iijafaño iigaivehicamo icano, amiihajaa Aivojiiibo momofañodi iijico galluui. <sup>20</sup> Bu paryi monahabomi jino uuma iicamo iijico agalluunoco magaayici fahigovavi midillucasi ihiiibicicasimoro.

<sup>21</sup> Jaanoco uujoho Pablo onoonoco saafi caatinihicauhi. Jaanoti jari jinooti uujoho caatinihi tahuseri. Amiihajaa taajico galluui.

<sup>22</sup> Jaanoti cajaanoyohacho Mohaivojiiibo Jesucristoco agaijiiimo imitino iicaqui.

Jaanoti Mohaivojiiibo, mojaa disaa.

<sup>23</sup> Jaafa amiihaico Mohaivojiiibo Jesucristo imino moonihi. <sup>24</sup> Paryi amiihajaa galluui Cristo Jesufaño di tagaii iicanoco. Fine.